



# Daifim

An Official Organ of YMA, Khuangpuilam Branch.

## YMA MOTTO



Hunawl hman that  
Zofate hmasawna ngaihtuah  
Kristian nundan tha ngaihsan

Khawchin : Source - Accuweather.com



Khua a that rin a ni.  
Temp - Max: 27°C Min: 15°C  
Dar 5:47-ah ni a chhuak ang a,  
Tlai Dar 5:18-ah a tla leh ang.

Vol - VI Issue No. - 5

- Ramtuk Thla -

23<sup>rd</sup> February, 2020 (Pathianni)

*Tunkar chang vawn : Luka 6:5*

*"Mi tha chuan a thinlung robawm tha  
ata thil thate a phawrh chhuak thin, mi  
sual erawh chuan a thinlung robawm  
tha lo ata thil tha lote a phawrh chhuak  
thin; thinlunga liam khawpa khat hi a  
ni kain in sawi chhuah thin."*

## TUALCHHUNG CHANCHIN

☛ Branch YMA President Pu HD Daniela chu chhungkaw thil pawimawha Saiha lama a zin chu ni 20 Feb, 2020 (Ningani) khan arawn let leh a ni

☛ Pu H. Lalmuanpuia, BEC member chu Aizawl lama a inentir hnuin ni 20 Feb, 2020 (Ningani) khan tluang takin anrawn haw leh.

☛ Pi Zomuani, Vanapa section a mi chu a hnute zai hmabakin Aizawlah a cham mek a. Inzai hun tur ruat hmasak chu sawn niin naktuk khian zai tum nia hriat a ni. Tluang tak leh hlawhtling taka inzai turin duhsakna kan hlan e.

☛ Pu Lalrinfela, Pi Lalremsiami pasal, Khuangchera section (Police quarter) a cheng chu Nazareth Hospital-ah *Pancreatitis* natna avangin a awm mek a. Dam taka lo chhuak leh thuai turin duhsakna kan hlan a ni.

☛ Pu T. Rinawma, NI Thuthlung-kimi (BEC member) Khuangchera Section, chu Falkawn-ah zai a ni a Nimin khan chhuak mai thei tura hriat a ni. Dam takarawn haw thla thuai turin duhsakna kan hlan e.

## In sak hnatlang nei

Ramtuk thla ni 20, 2020 (Ningani) khan Khuangpuilam Branch YMA chuan Bungraw In sak hnatlang a kova. Tlawm-ngaia thawk chhuak mi 27 awmin, ban khur lai mai bakah a ban thlengin an phun hman a ni.

Mi inphalte leh tlawmngai thawkchhuak thinte a zarah bei-sei phak bakin bungraw in sak kalpui tawh a nih avangin hruaitute'n lawmthu an sawi a ni.

Chutih laiin hmabak a la ko hle a, mi inphal, thilpek pe duh kan awm anih chuan a pek theih reng thu dawn a ni.

## Kolasib District Chapchar Kut Working Committee Thukhawm

**Dated Khuangpuilam, the 23<sup>rd</sup> February, 2020 (Pathianni) :**

Ramtuk thla ni 14, 2020 (Zirtawpni) chawhnu khan Kolasib district-a Chapchar Kut 2020 lawm dan tur relin Celebration Committee ten thutkhawmna neiin, Deputy Commissioner Pi Sangchhin Chinzah chuan he hun hi a kaihruai a.

Chapchar Kut 2020 hi Vau thla ni 6-ah hman tur niin, Diakkawn Field, Kolasib-a buatsaih turin rel a ni a. He Kut lawmna tur hian Mizoram sawrkar atangin cheng nuai 3 ruahman a nih thu tarlan a ni bawk. Chapchar Kut Celebration Committee chuan Kut lawmna atan a mawhphurna hrang hrang kengkawhtu turin Working Committee leh Sub-Committee te a din nghal a. Kolasib District chhunga Department hrang hrang hotute leh tlawmngai pawl hruaitute committee-ah hian an tel a. Kum hmasa lama Chapchar Kut lawm dan thlirletna te neih niin Chapchar Kut 2020 Working Committee a hruaitu tur a hnuai ami ang hian ruat a ni

Chairman : President, Sub Hqrs YMA, Kolasib District

Vice Chairman : President, MCO, Kolasib

EE, PHE Kolasib WATSAN Division

District Agriculture Officer, Kolasib

Secretary : Secretary, Sub Hqrs YMA, Kolasib District

Ramtuk thla ni 17, 2020 (Thawhtanni) chawhma khan Kolasib District Chapchar Kut Working Committee-te chuan DC Conference Hall-ah thutkhawmna an nei a. He thutkhawm hi Pu C Liankunga, Working Committee Chairman chuan kaihruaiin Sub-Committee hrang hrangte chanvo leh hmalak dan tur tlangpuite rel a ni a. Kolasib district chhunga kawng hrang hranga hlawhtlinna hmu leh chawimawitlak a ngaih te chu Kut niah hian chawimawi nise tih rel a ni bawk. Thutkhawmnaah hian kut ni a hun hman dan tur te, eiin leh mipui tan a thutna ruahman dan tur te leh venhimna tha tak kalpui dan tur te rel niin Working Committee-te chuan Chapchar Kut 2020 lawmna hmun tur a ruahman, Diakkawn field an tlawh nghal bawk a ni.

## Kolasib DC thuchhuah

Porcine Reproductive and Respiratory Syndrome (PRRS, Classical Swine Fever (CSF) leh African Swine Fever (ASF) ven zel a ngai a. Chuvangin, vawk natna laka harsatna a thlen loh nan heng a hnuai a mi ang hian thupek ka chhuah e.

1. Mi tumahin Ram dang, North East States thenawm leh District dang atangin Vawk an la lut tur a ni lo.

2. Mi tupawhin State dang atanga vawk a lalut dawn a nih chuan Director Animal Husbandry & Veterinary Department, Govt. of Mizoram hnen atangin phalna an nei tur a ni.

3. Vawk damlo an serin an hralh tur a ni lo.

4. Vawk thi reng reng, khur thuk tak a laiin an phum tur a ni.

## Kolasib SP Thuchhuah

Bilkhawthlir leh N. Chawnpui inkar kawng, Chepte Lei atanga N. Chawnpui thleng chu, Mizoram PWD, Kolasib Division-te'n a siam that hna ni 19 Feb. 2020 atangin an tan dawn a.

Tha zawk leh chak taka hna thawh a nih theih nan hemi ni, ni 19 Feb. 2020( Nilaini) atanga thu leh awm hma chu helai kawng hi khar a ni ang a, lirthei eng chi mah kal phal a ni lo ang.

He thupek hian tul bik thila Police, Fire Dept. Ambulance leh Magistrate-te chet velna a huam lo ang.

**YMA chu tanpui ngaite tanpuitu a ni. – YMA Kumpuan : Zirna uar**

**Editorial Board :**  
*Editor: Pu Ricky MS Dawngzela*  
*Jt. Editor : Pu Lalsiamkima*  
*Treasurer: Nl. Florence Zoremsangi*  
*Cir.Manager: Tv. Samuel Lalpekhlua*  
*Contact No: 9862501858 / 9612691291*  
*9612761781 / 7005494983*

Branch YMA Office Bearer		
<b>President</b> Pu HD Daniala 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David lalrosanga 9436158962
<b>Vice President</b> Pu S. Lalthangliana 8787326114	<b>Assistant Secretary</b> Pu Lalnunhlua 9366270802	<b>Financial Secretary</b> Pu Rotlingpuia 9862385193

**FLS Station - 9612566886**  
**Chawngbawla Section**  
Leader : Pu F. Lalbiaksanga  
96121 55162  
Secretary : Tv. R. Lalnuntluanga  
82599 60032  
**Vanapa Section**  
Leader : Pu Lalchualova  
87300 99599  
Secretary : Tv. Lallawmzuala  
87875 41803  
**Khuangchera Section**  
Leader : Pu Lalramzaua  
76408 95924  
Secretary : Pu Zachungnunga Hrahse  
76299 69989

**Editorial.....**  
*Zirna pawimawhna leh kan mamawhna nasatzia chu, “Kan pian-tirh aṅanga kan thawok tawp thlenga inzir reng tur kan ni,” tih hian a tilang Chiang viau a ni.*  
*Zirna kan tih hian, “Thiamna, finna leh hriatna nei tura rilru, ngaihtuahna leh theihna seng,” tihna a ni mai a. Zirna hi chi hrang hrang, zir tur hrang hrang leh zir dan hrang hrang a awm thei a. Sikul, chhungkua, khawtlang leh kohhran aṅangin zirna kan nei thin.*  
*Zirna in ‘Sikul’ kan nei thei hi kan vannei a, khawvel thiamna zirna lam sikul kan neih bakah kohhranin ‘Sande Sikul’ kan nei hi a ropui takzet. Tan ina tang thinte zirchiannaah hian an naupan laia Sande Sikul kal tha lo leh kal ngai lo an ni fur nia!*  
*Tin, zirna Sikul bel rei lo leh zirna sang thleng lo, lehkha chhiar lam tala taima leh si lote hian finna leh hriat-na an tlachham a, an nun a chepin a buai a, khawtlang leh kohhranah pawh hnawksak an ni awl. Thu sawi ngaih-naawm thiamte thusawiah an tlu mai awl a; an thu ngaihthlakte a dik leh dik loh chhuta zir chhuah ve tum loin mi thuah an innghat a, chumi chuan an tum lohna daihah a hruaiin bumna thangah an awk leh nge nge thin.*  
*Nang engtiang chiahin nge Zirna hi i ngaih pawimawh ve le?*

- Daifim semtute**  
**Chawngbawla Section :**  
1. Jonathan, Upper Kolasib - 25 copies  
2. Peklima, Biakin Mual - 45 copies  
**Vanapa Section**  
1. Sangrema, Soil Mual - 32 copies  
2. Tetea, Highway - 50 copies  
**Khuangchera Section**  
1. Lalruatfela, Coffee Huan Mual - 30 copies  
2. Thanglalbiaka, Shalom Mual - 30 copies  
3. G.Muana, TNT- Judicial Qrtts - 30 copies

**K o h h r a n   H u a n g**  
**PRESBYTERIAN CHURCH**

**Presbyterian Kohhran**  
Zirtawpni zan aṅanga ṅanin Khuangpuilam Kohhran Biak Inah Kolasib Vengthar Pastor Bial Pavalai Meet Vawi 3-na neih mek a ni a. Rev. Dr. H. Vanlalruata, Lecturer ATC speaker-a hmangin, ‘Chak tak leh huai takin awm phawt mai rawh (Jos. 1:6) tih thupuih neih a ni.

Zirtawpni zan khan ‘Inlawmna leh Report’ hun hmangin, nimin nileng khan Gov’t Diakkawn HS-ah ‘Awlim-pik’ an nei baw. Nizan aṅang khan speaker hnen aṅangin thupui ngaihthlak a ni a. Vawiin inkhawm tinah chhunzawm a ni dawn a ni. Tin, chawhma inkhawm banah Bial hruaitu tur thlanna an nei dawn. Zanin hian inkhawmpui hi a ṅiak dawn a ni.

Tunkar ni 27 (Ningani) zan aṅanga ni 1 Vau thla (Pathianni) zan thleng khian KṽP Conference Vawi 58-na chu Serchhip Leise-kawt field-a neih a ni dawn a. Speaker-ah Rev. R. Lalrosiama, Field Secretary, Delhi Mission field niin, thupuih ‘Felna hriamhrei (Rom.6:13)’ hman a ni dawn a ni.

Khuangpuilam Branch KṽP pawh inkhawmpui chhim tur hian member engemaw zat ni 27 zingkarah an chhuak dawn a ni.

**UPC (Mizoram) Kohhran**  
PYD-te’n Conference an neih tura Lengkhawm zai intihsiakna leh Bible Quiz tur an zir ngawrh hle ni a thu dawn a ni.

**Voter ID chhuak tawh**  
Khuangpuilam (5/9 Kolasib) Roll-a inthun dilte voter ID a chhuak tawh a. BLO Pu C. Lalrinmawia hnenah lam theih a ni e.

Electoral Roll-a inthun thar duh te Jan ni 1, 2001-a piang leh a hma lama piangte tan dil theih a ni baw e.

Tin, veng dang aṅanga insawn duh te, veng danga insawn duh leh Roll-a hming chuang, pian ni leh kum dik lo siam tha duhte tan dilna hun hawn a ni baw e.

Birth certificate xerox attested copy leh passport size photo copy 1 (khat) ken tur a ni e

**CYMA hmalakna**

**14.2.2020:** DC Conference Hall-ah ‘Meeting on Carona Virus Outbreak’ neih a ni a; Pu F. Lalfakawma, CEC a tel.  
- Chapchar Kut March ni 5 & 6, 2020 -a hman tur pualin CYMA Committee Room-ah CYMA, MIMA, ZDU, MMCOA, MPOA, MTA-te’n Joint Meeting an nei a. CYMA aṅangin Pu Vanlalruata, President; Tv. Lalmachhuana, Vice President; Dr. Malsawmliana, Asst. Secy; Pu Fabian Lalfakawma, Treasurer, Pu Roneithanga, Fin. Secy leh CEC-te Pu Lalngaihawma, Pu F. Lalfakawma an tel.

**17.2.2020:** Synod Committee Room No. 1-ah ‘MPF General Hqrs. Governing Body Meeting’ neih a ni a. Pu Vanlalruata, President; Dr. Malsawmliana, Asst. Secy leh Pu Roneithanga, Fin. Secy te an tel.

**18.2.2020:** Synod Revival Committee leh Central YMA hruaitu ten Central YMA Office-ah Joint Meeting an nei a. Hunthar Pastor bial chhunga zu leh ruihlo zuarte puala beihpui thlak dan tur an sawiho a. Pu Vanlalruata, President; Dr. Malsawmliana, Asst. Secy; Pu Roneithanga, Fin. Secy leh CEC-te Pu R. Lalchhandama, Pu H.F. Lalrinpuia te an tel.  
- March 5 & 6, 2020-a Chapchar Kut hmanna tura Security Duty turte inhmukkhawm Central YMA Hall-ah neih a ni a, Pu Vanlalruata President, Pu R. Lalchhandama CEC leh Pu H.F. Lalrinpuia CEC te an tel.

**20.2.2020:** Republic Veng Branch YMA-in Intuaitharna Programme an hmang a. Prof. Lalnuntluanga, Gen. Secy leh CEC-te - Pu Joseph Vanlalhruaia Sailo, Pu H.F. Lalrinpuia, Pu C. Lalmachhuana, Pu C. Lalmunliana leh Pu C. Vanlalruata te’n an hmanpui.  
- Mizoram State Day lawmna Vanapa Hall-ah hman a ni a, Pu Vanlalruata, President-in thu a sawi.  
- Tuikual South Branch YMA-in Kumpuan hawn Programme an hmang a. Pu Vanlalruata, CYMA President-in a hawng a; Pu Joseph Lalmalsawma, CEC-in a ṽawiam.

**21.2.2020:** Mizoram Social Defence & Rehabilitation Board, Social Welfare & Tribal Affairs, Social Welfare Department buatsaihin ‘One Day Capacity Building Training Programme for Young Mizo Association’, S.P. Conference Hall, Aizawl-ah buatsaih a ni a. Pu Vanlalruata, President-in thu a sawi.



Thu ziaik Huang

**“ENG KAN TINGE LUSEI HNAME HI”**

(Hranghminga)

Lusei Lal ten thlang an tlak hma a ta tawh khua leh khua, hnam leh hnam an indo'vin an mahni aia khawte zawk leh khaw lian zawkte huat vangte. Pasaltha leh pasalthate tual thu chhiat vang te leh khual thuthang an hriat a, a dik a dawkh pawh thluk loh vang ten khua leh khua, hnam leh hnamte an lo in chemhar ta mai thin kha ani awma. He mi phena kan sawihmaih hauh loh tur zinagah, Pa nei lo, hmeithai chungah hlei lenna te, falak(Hnam chawm) te hring nun chep ziate kha hmu ve lo mah i la, Zofate thinlungah leh ngaihtuahna hi chu a la luah ve reng awm a sin. Mizo-te hi kan chawrchhuhna in a zir lo nge, kan chhehvela cheng te hian an zir lo zawk nge nia nga, he tiang em ema 'Nun nghet leh tlo' Rinawmna hi kan neih reng theih mai thin loh le.

Hun tam a liama, kum tam a liam hnuah meuh chuan, Lusei lal ten, khua leh khua in runa in hmelmak renga awm kha duh lovin, an thenawm khuate nen Sa'uitan(inremna thuthlung) te nei in lungrual takin phei lai an khai a. Tlangval ral lu lathei ngaihsanna te chu sirah hnawlin, Sa' la thei leh buh leh bala chhungkua chawm thei nih in chuhin turni sen sa do dai in kawla ni chhuak chhiarin sadai ek an hampherh a, khaw khata buh leh bal ngah ber nih te, thangchhuah-pa niha, than hawl pa nih tumin an hun leh nite an lo hman hlel thei em em kha a ni a. Chutianga kum za nufa meuh a lo herchhuah leh chuan, Tupuiral nula leh tlangval ten Duhlian ho saltanna(Thing bul Lung bul biakna)laka ta min rawn chhhanchhuak a nih kha. A mah Pu Rokunga- an hla thu hmang in a auchhuahpui hial a.

Hmanah pi pu, lasi, khuavang leng tin kaiin,  
Doral hlau reng renga ram tuan nilenna;  
Thinlai lungmawl vanga tlang tin rau tin zawlin,  
Tunah erawh thimnate'n zamual an liam zo ta.

Tunah zet zawng, kan thinlai lung mawl vang em mawni chu tih hi kan chhuanlam thei tawh lovang. Bible chhunga thuin ziaik zawng zawngte pawh hi, tuibur hmuam 'da lekah kan phan chhuak thei leh zel si a. Kan rinpui ber leh kan ngaihpawimawh em em Pathian thu, tu tu ten emaw to thli tleh ang maiin an rawn auchhuahpui thuta, veng khata parawn leh nu fel bera kan ngaih te thlengin kan lo che leh dawrh dawrh thin te. Politics thilah lah ni se kan bang chuang lo, a sawi hnuhnung ber thu hi a tha ta thut emaw kan ti a, kawihher in kan awm leh hluai thin zawng a nih hi. Zirtirna mak tak tak ten Zofate min han nuai vel a, kan In leh lo te chan pawh kan huam leh ang lawi bawh a.

Zofate hi keimahni chauha kan khawsak lai kha chuan kan hlima, kan tlei tawh viau niin a lang. Mahse kan chhehvela chengte leh hnamfing zawkte che zia leh hlimthla te, an silh leh fen, an sakhming te nen kan han sengluh meuh chinah zawng, Vana pa hming leh nungchang aiin America President chevel in kan thing lung a hneh ta hi 'kei zawng ka pal dai thei ngang lo a ni. Thangthar nun ning Thasiama khan eng tin ngai ang maw.....

**NOVEL CORONA VIRUS ( COVID-19) CHUNGCHANG**

Coronavirus natna te hi Ramsa atanga mihringten an kai(Zoonotic) natna ani a, hritlang satliah atanga natna hlauhawm zawk Middle East Respiratory Syndrome (MERS-CoV) leh Severe Acute Respiratory Syndrome (SARS-CoV) te a thlen thei a, Novel Coronavirus natna hi chu tun hma in mihringah hmuah an la ni lo a ni.

Novel Coronavirus (COVID-19)natna hi 31<sup>st</sup> December 2019 khan China rama Wuhan City, Hubei province ah hmuhchhuah a ni a, World Health Organisation (WHO) chuan he natna hi 30<sup>th</sup> January 2020 khan Public Health Emergency of International Concern (PHEIC) ah a puang a, WHO vek hian 11<sup>th</sup> February 2020 khan he natna hming hi COVID-19 a vuah bawh a ni. Tun dinhmuna hian China ram hmun hrang hrangah te leh ramdang 27 chuang- ah te he natna vei hi hmuhchhuah an ni tawh a, mi 64500 chuanguin he natna hi vei tawhin, 21<sup>st</sup> Feb, 2020 thleng khan mi 2236 in an thihpui tawh a ni. India ramah mi Kerala state vek a mi ten he natna hi an vei a ni tihhmuhchhuah a nitawh bawh a, tunah chuan heng mite hi damtakin an chhuak tawh a ni..

COVID-19natna lanchhuah dan tlangpuite chu thawkna lama harsatna, khawsik, khuh, thawchham, tihrawlina te leh a natzual deuh chuanPneumonia te, kalthalo leh thihna hial a thlentheih a ni.

He natna laka invenna tlangpuitechu :

1. Tui leh sahbawn, alcohol based hand washing ang chi a kut silfai ngun.
2. Khuh leh hahchhiau laiin rawmawl hmangin hnar leh hmaihip tur a ni.
3. Mask vuah hian nasa takin a vengthei a ni.
4. Hrileng kan do hneh nan, kan taksa tichak turin ei leh inah fimkhur a, exercise lak thinte a pawimawh hle bawka ni.
5. Sa leh artui hmin taka chum chauh ei thin tur a ni.
6. A vei ni a rinhlehte bula awmhnaih loh a him.
7. Ran leh ramsate khawihloh a pawimawh.
8. COVID-19 veiawmna ramahte zin loh a him bawh a ni. He natna hi tundinhmun ah chuan Mizoram alo la lut ve lo ni a ngaih a ni a, he chungchang ah hianSawrkah leh Department chuan theihtawp a chhuah mek a, Central lam nenpawh inbe pawp rengin a tulanga hma lo laknatur guideline leh tul dangte pawh Central lam atangin rawn thawn a nitawh a ni.

Health & Family Welfare Department chuan Mipuite chia loturin a chah aCOVID-19 chung changa harsatna emaw, thil report tur neite tan a hnuaiia Control room number-ah te hian thlen theih a niang.

Call or whatsapp : 1. 8259930355 2. 7630943153

**“Zirna hi a hautak kan lo ti viau thin em aw? Kan briat tlem avang leh kan briat loh avanga kan buaina, kan hun , kan sum luangral zo zai hian an la hen zo chuang awm lo ve”.**

**Zirlai bu hi thiam tura kawng kawh hmuhtu a ni a,thiamna tak tak chu a zirtu mihringah a awm thin.**

CHANCHINTHAR

**State day hman:-**

February 20(Nilaini) kha India danpui hnuaia Mizoramin state anga inrêlbawlna a neih tan ni, Mizoram State Day a ni. State Day vawi 34-na hi Mizorama district tinah sorkar bultumin lawm a ni. Kolasib ah pawh State Day lawmna hi Parish Hall-ah neih niin khuallian ah District bawrhshap Sangchin Chinzah a ni. He hunah hian sorkar hotute leh NGO hrang hrang hruaitute an tel. **Sem theih beisei :-** ICDS Bilkhawthlir Project chuan karthar atang hian Anganwadi centre hrang hrangah naupangte tan Artui, atta leh dal an sem leh theih an beisei.

**Hindi hi khawvel a hmanngu tam ber pathumna(3) a ni:-** 22<sup>nd</sup> Edition World Language Database Ethnology , 21<sup>th</sup> Feb, 2020 in a tih chhuah angin Hindi hi khawvel a hmanngu tam ber tehna atanga pathumna(3) a ni. English hmanngu an tam ber a, a pahnhna chu Chinese Mandarin a ni. Bangla hi hmanngu tam lamah pasarihna (7) a ni phak bawh.

**COVID -19 hri kai thar aiin damdawi-in atanga chhuah tam zawk:-** China National Health Commission chuan tunkar nilaini liamta thleng kha Covid -19 hri leng kai thar mi 394 an awm thu tarlang, Nilaini vek hian hri kai enkawl zinga dinhmun ziaawm tawh mi 16,155 te chu damdawi-in atanga chhuah niin a tarlang. Hetih lai hian China rama Covid-19 leng mek chungchang an ziah danah China sawrkar a lungawi loh avangin Wall Street Journal reporter pathumte chu an ram chhuahsan turin thupek a ti chhuah.

**India in pertol leh diesel thianghlim April 1 atangin hman tan tum:-** India chuan petrol leh diesel thianghlim April 1, 2020 atangin State thenkhatah hman tan a tum ta, 2010 khan BS-IV fuel a hmanngana, hetah hian 350 ppm a awm a ni. April thla atang chuan BS - VI, sulphur 10ppm chauh awmna a hmanngan ang.

**Computer Scientist Larry Tesler-a boral:-** Computer Scientist Lawrence Gordon Tesler( Larry Tesler) chu kum 74 mi niin 16th February 2020 khan a boral. Larry Tesler hian Computer a kan hman tangkai em em command copy, cut leh paste function siam chhuaktu a ni. Tesler hi company hrang hrang Xerox PARC, Apple, Amazon, and Yahoo!-ah te a thawk tawh bawh a ni.

**ESPN Female Award dawng:-** ESPN Female Sportsperson of the year award chu World champion shutter PV Sindhu hnenah ni 20th Feb, 2020 khan hlan a ni.

**Laureus World Sports Award 2020 :-** Laureus World Sportsman of the Year atan Lionel Messi leh Lewis Hamilton thlan an ni. Messi hi footballer zinga Laureus World Sportsman of the Year dawng thei hmasa ber a ni bawh. Soprtswoman of the year atan kum 22 a upa Simon Biles, United State a mi chu hlan a ni. Comeback of the year award chu kum 19 mi Sophia Floerch hnenah hlan a ni bawh. Team of the Year atan South Africa men's Rugby Team, Lifetime Achievement Award chu Dirk Nowitzki, Basketballer hnenah hlan a ni. Exceptional Achievement award ah Spanish Basketball Federation, World Action Sportsperson of the Year-ah Chloe Kim, Sportsperson of the Year with a Disability Award-ah Oksana Masters, Break-through of the Year-ah Egan Bernal, Best Sporting Moment-ah Sachin Tendulkar-a te an ni.

**Khuangpuilam tleirawl pahnh trial-ah che tha :-** Assam Rifle Centre, Shillong leh Sports Academy of India (SAI) a awm tur zawwna ni 14.2.2020-a AR Lammual ground-a neih Archery-ah kan veng tleirawl pahnh R.Lalthlamuana s/o David Lalrosanga leh Lalrinpuui d/o Lalrinawma (Aawma) te chu Mizoram atanga Shillong a final selection nei turin an in kap tling a. State hrang hranga ti tha te nen inelna an nei leh dawn a ni. Mizoram a screening neihah hian R.Lalthlamuana hi pahnhna a ni pha a ni. An in duhsakna a hlan e.

**Kolasib Diagnostic Centre**

Dr. Hlimpuia Building  
Venglai, Kolasib

Heng - Endoscopy HD quality, Digital X-ray  
300ma with laser printing, 3D/4D Ultrasound  
leh 12 channel ECG kan tithei e. (15-3)

**Kim Kim Laboratory**

Banglakawn, Kolasib

Dr. Hlimpuia Clinic-ah  
thisen leh zun a test theih e.  
Dawr rawn kal thei lo kan pan thei bawh.

Ph : 8413933536 (6-3)

I insak a lo tlo zawk nan  
Cement tha leh rintlak, Cement thar tha  
Company direct, Original Cement  
chauh hmanng thin ang che.  
Kolasib-a Distributor awm chhun kan ni.  
Kan Cement hi a thar that avangin  
a hmanng tawh chuan an zawngchhang tlangpui.  
Tin, Balu tha leh Brick No. 1  
pawh kan nei bawh e.

I mamawh chuan min rawn call rawh le



Ph : 9856333835

**AR EL Agency**

Venglai, Kolasib (6-3)

**KHIANGTE SUZUKI**

Access 125 BS6, Burgman 125 leh  
Gixxer New Model stock kan nei reng e.  
Spare parts leh Servicing-ah buaina a awm lo.

Honda Dealer kan ni bawh a,  
duhthlan tur hrang hrang kan nei e.

Min dawrtute Registration  
kan buaipuisak thei nghal bawh e.  
Motor Insurance pawh kan tithei e.



Khiangte Suzuki  
Diakkawn, Opp KCN Building  
Contact : 9862348009  
7005612620

(9-3)

**Chawngthu Photo  
Synod Bookroom, Shaloms chung**

Passport, Photo printing,  
Citation & Frame, Mug printing,  
Xerox leh Lamination  
a tih theih reng e. (3-3)

Rawn pan ve ngei ang che  
Contact - 961243355

**DALMIA CEMENT**

L.H.L Enterprise  
Hmarveng, Kolasib

Dalmia Cement kan nei reng e. Bag 5  
chin a hmunah kan pe thei bawh e.

Dalmia Agent  
Contact : 6009183603, 9862325966 (3-3)